

- [Pen]det et a niveo sibimet gripis ungula collo,  
 [Un]gula non tota, medii cubiti modo longa,  
 [Qu]æ post ad latum vel prædecoratur ad artum  
 30 [Ob]ryzo mundo, cervino cinctaque loro,  
 [Non] ut nix alba, tamen ut translucida gemma,  
 [Qu]am dum perflabat, tuba quam melius reboabat.  
 [Ui]time dans matri domuique vale simul omni.  
 [St]at niger ut corvus equus et ceu smigmate lotus  
 35 [Un]dique punctatus hac subnigredine totus.  
 [Ad] laevam colli complexa juba jacet illi,  
 [Qui] faleratus erat, ceu summum quemque decebat,  
 [Ad] cuius sellam nil cernitur esse ligatum,  
 [E] corio sutum nisi vas mastice perunctum,  
 40 [Du]lcius ut sapiat potus qui fusus in id sit,  
 [Ex]ostro factum vel cervical modicellum.  
 [Qu]em super ut saluit, equus altius ipse salivit,  
 [Ceu gaudens] domino residenti fortiter illo.  
 [Praes]ilit hunc post mox canis in cursu bene velox  
 45 [In]vestigator, quo non melior fuit alter,  
 [Prae] quo bestiola vel grandis sive minuta  
 Non abscondere quit se, quin hanc mox reperierte[ti].
- fol. 3a.

- U**ltime fando 'vale' matri, famulisque 'valete,'  
 Perfusa lacrimis facie dabat oscula cunctis.  
 50 Arrepto freno, monito calcare poledro,  
 Cursitat in campo cita ceu volitaret hirundo.  
 Ast per cancellos post hunc pascebat ocellos  
 Mater, at in sepes concendens ejus omnis plebs  
 Post hunc prospiciunt, singulant, flendo gem[iscunt].  
 55 Cum plus non cernunt hunc, planctum multiplicarunt,  
 Detersis lacrimis qui tunc lotis faciebus  
 Consolaturi dominam subeunt cito cuncti,  
 Quæ simulando spem premit altum corde dolorem.  
 Consolatur eos, male dum se cernit habere.